



Kamis, 09 September 2021
Ogen: 2 Timotius 3:16-17



"Pustaka Si Badia"



Erbage-bage aturen lit i bas doni enda si ibahan manusia, mulai kin aturen bas kuta, ingan dahinna, peraturen i tengah jabu ras sidebanna. Tapi lit singatakenca, *peraturan di buat untuk dilanggar*. Kepeken i bas peraturen si ibahan manusia e la baci lang lalap *mengalami perubahan ras bersifat sementara*. I bas paksa enda, ibereken sada pemahamen man banta peraturen si abadi, si lanai banci berubah eme kerna **Kata Dibata** si lit bas **Pustaka Si Badia**. Pemena nari seh rasa lalap Kata e nggo jadi ras la banci iubah-ubah. I bas Pustaka Si Badia ituriken me kerna Kata si ngajari kalak kerna si ngena ate Dibata, mandang si lepak, pekena si salah dengen erguna i bas mereken pedah-pedah gelah nggeluh alu mehuli (ayat 16). I bas si e teridah tuhu seh kel ergana kerna peraturen Dibata siisehkenNa arah Pustaka Si Badia. Rasul Paulus mereken pengajuk man Timotius gelah ia pe tetap banci nuriken kerna Kata Dibata arah Pustaka Si Badia, bagepe perpulungen tetap erpalasken Kata Dibata si tersurat bas Pustaka Si Badia. KataNa si tersurat i bas Pustaka Si Badia jadi palas man manusia guna meteh kai si jadi sura-sura Dibata man kegeluhenna, bagepe gelah manusia meteh kerna kerina perbahanen bagi si ngena ate Dibata. Lit lagu Sekolah Minggu, nina :

*Baca Kitab Suci doa tiap hari, doa tiap hari doa tiap hari
Baca kitab suci doa tiap hari kalau mau tumbuh..*

Kata enda erbanca turah kiniteken manusia, Pustaka Si Badia e maba kedamen, ketenengen ras mereken pedah si mehuli si jadi kata ajar man manusia. Ula pernah ngelupaken kerna Kata Dibata e ras ogelah Pustaka Si Badia tep-tep wari. Pustaka Si Badia e mereken peraturen si erbanca kita meherga i lebe-lebe Dibata, mereken pemeteh man banta kerna kisah ras cerita kegeluhen si nai i bas padan si ndekah ras kerna perdalanen kegeluhen si mbaru bas padan si mbaru.